

Rumantsch è ina lingua naziunala, ma ina lingua parzialmain uffiziala da la Confederaziun, numnadama en la correspunderza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validat legala.

Lescha davart l'organisaziun da la regenza e da l'administraziun (LORA)

dals 21 da mars 1997 (versiun dal 1. da schaner 2018)

*L'Assamblea federala da la Confederaziun svizra,
sa basond sin l'artitgel 173 alinea 2 da la Constituziun federala^{1,2}
suenter avair gi invista da la missiva dal Cussegl federal dals 16 d'october 1996³,
concluda:*

1. titel Princips

Art. 1 Regenza

¹ Il Cussegl federal è l'autoritat directiva ed executiva suprema da la Confederaziun.

² El sa cumpona da set commembres.

³ El vegn sustegni dal chancelier federal.

Art. 2 Administraziun federala

¹ L'administraziun federala è suttamessa al Cussegl federal. Ella cumpiglia ils departaments e la Chanzlia federala.

² Ils singuls departaments èn organisads en uffizis che pon vegnir unids a gruppas. Quellas han mintgamai in secretariat general.

³ Tar l'administraziun federala tutgan plinavant unitads administrativas decentralisadas a norma da lur decrets d'organisaziun.

⁴ La legislaziun federala po surdar incumbensas administrativas ad organisaziuns ed a persunas dal dretg public u privat che n'appartegnan betg a l'administraziun federala.

AS 1997 2022

¹ SR 101

² Versiun tenor la cifra I da la LF dal 1. d'oct. 2010 (proteciun da datas en il rom da l'utilisaziun da l'infrastructura electronica), en vigur dapi il 1. d'avr. 2012 (AS 2012 941; BBI 2009 8513).

³ BBI 1996 V 1

Art. 3 Princips da l'activitat da la regenza e da l'administraziun

¹ Il Cussegl federal e l'administraziun federala ageschan sin basa da la Constituziun e da la lescha.

² Els s'engaschan per il bainstar general, defendan ils dretgs dals burgais sco er las cumpetenzas dals chantuns e promovan la collavuraziun tranter la Confederaziun ed ils chantuns.

³ Els ageschan tenor ils princips da l'opportunitad e da la rentabilitad.

Art. 4 Responsabladad politica

Il Cussegl federal ademplescha las funcziuns guvernamentalas sco collegi.

Art. 5 Controlla da las incumbensas federalas

Il Cussegl federal controllescha regularmain, sche las incumbensas da la Confederaziun e lur adempliment sco er l'organisazion da l'administraziun federala èn necessaris e correspundan a las finamiras che resultan da la Constituziun e da la lescha. El sviluppa soluziuns per l'agir statal ch'èn orientadas al futur.

2. titel **Regenza****1. chapitel** **Il Cussegl federal****1. part** **Funcziuns****Art. 6** Incumbensas guvernamentalas

¹ Il Cussegl federal fixescha las finamiras ed ils instruments da sia politica guvernamentala.

² El dat la prioritad a l'adempliment da las incumbensas guvernamentalas.

³ El prenda tut las mesiras per garantir da tut temp l'activitat guvernamentalia.

⁴ El s'engascha per l'unitad statala e per la coesiu naziunala, mantegnend la diversitat federalistica. El furnescha sia contribuziun, per ch'ils auters organs statals possian ademplir en moda cunvegnenta ed a temp lur incumbensas che resultan da la Constituziun e da la lescha.

Art. 7 Legislaziun

Cun resalva dal dretg d'iniziativa parlamentara maina il Cussegl federal la fasa preliminara da la procedura legislativa. El suttametta a l'Assamblea federala sbozs da midadas da la Constituziun, da leschas federalas e da conclus federalas e decretescha las ordinaziuns, uschenavant ch'el è autorisà da far quai sin basa da la Constituziun u da la lescha.

Art. 7a⁴ Conclusiun autonoma da contracts internaziunals
tras il Cussegl federal

1 Il Cussegl federal po concluder en moda autonoma contracts internaziunals, uscennavant ch'el è autorisà da far quai sin basa d'ina lescha federala u d'in contract internaziunal approvà da l'Assamblea federala.

2 El po er concluder en moda autonoma contracts internaziunals d'ina relevanza limitada.⁵

3 Sco contracts internaziunals d'ina relevanza limitada valan en spezial contracts che:

- a. na constitueschan naganas novas obligaziuns per la Svizra u n'han betg per consequenza ina renunzia a dretgs existents;
- b. servan ad exequir contracts ch'en vegnids approvads da l'Assamblea federala e reglan mo pli detagliadament ils dretgs, las obligaziuns u ils princips organisatorics ch'en gia cuntegnids en il contract da basa;
- c. sa drizzan a las autoritads e reglan dumondas tecnicas administrativas.⁶

4 Betg sco contracts internaziunals d'ina relevanza limitada na valan en spezial contracts che:

- a. adempleschan ina da las premissas per applitgar il referendum facultativ da contracts internaziunals tenor l'artitgel 141 alinea 1 litera d da la Constituziun federala;
- b. cuntegnan disposiziuns davart chaussas, nua che la regulaziun appartegna unicamain al champ da cumpetenza dals chantuns;
- c. chaschunan expensas unicas da passa 5 milliuns francs u expensas periodicas da passa 2 milliuns francs per onn.⁷

Art. 7b⁸ Applicaziun provisorica da contracts internaziunals
tras il Cussegl federal

1 Sche l'Assamblea federala è cumpetenta per approvar in contract internaziunal, po il Cussegl federal concluder u fixar l'applicaziun provisorica, sche la defensiu d'interess relevanti da la Svizra ed in'urgenza speziala pretendan quai.

⁴ Integrà tras la cifra II 3 da l'agiunta da la Lescha dal parlament dals 13 da dec. 2002, en vigur dapi il 1. da dec. 2003 (AS **2003** 3543; BBI **2001** 3467 5428).

⁵ Versiun tenor la cifra I 1 da la LF dals 26 da sett. 2014 davart la cumpetenza da concluder contracts internaziunals d'ina relevanza limitada e davart l'applicaziun provisorica da contracts internaziunals, en vigur dapi il 1. da matg 2015 (AS **2015** 969; BBI **2012** 7465).

⁶ Integrà tras la cifra I 1 da la LF dals 26 da sett. 2014 davart la cumpetenza da concluder contracts internaziunals d'ina relevanza limitada e davart l'applicaziun provisorica da contracts internaziunals, en vigur dapi il 1. da matg 2015 (AS **2015** 969; BBI **2012** 7465).

⁷ Integrà tras la cifra I 1 da la LF dals 26 da sett. 2014 davart la cumpetenza da concluder contracts internaziunals d'ina relevanza limitada e davart l'applicaziun provisorica da contracts internaziunals, en vigur dapi il 1. da matg 2015 (AS **2015** 969; BBI **2012** 7465).

⁸ Integrà tras la cifra I 1 da la LF dals 8 d'oct. 2004 davart l'applicaziun provisorica da contracts internaziunals, en vigur dapi il 1. d'avr. 2005 (AS **2005** 1245; BBI **2004** 761 1017).

^{1bis} El desista da l'applicaziun provisorica, sche las cumissiuns cumpetentas da tuttas duas chombras èn cunter il contract.⁹

² L'applicaziun provisorica finescha, sch'il Cussegl federal na suttametta betg a l'Assamblea federala – entaifer 6 mais suenter il cumenzament da l'applicaziun provisorica – il sboz dal conclus federal davart l'approvaziun dal contract respectiv.

³ Il Cussegl federal communitegescha als partenaris da contract la fin da l'applicaziun provisorica.

Art. 7c¹⁰ Ordinaziuns davart la defensiu dals interess dal pajais

¹ Il Cussegl federal po decretar in'ordinaziun directamain sin basa da l'artitgel 184 alinea 3 da la Constituziun federala, sche la defensiu dals interess dal pajais preten-da quai.

² El limitescha adequatamain la durada da la valaivladad da l'ordinaziun; quella dastga importar maximalmain 4 onns.

³ El po prolongar ina giada la durada da la valaivladad. En quest cas scada l'ordinaziun 6 mais suenter che sia prolongazion è entrada en vigur, sch'il Cussegl federal na suttametta betg a l'Assamblea federala fin lura in sboz d'ina basa legala per il cuntegn da l'ordinaziun.

⁴ Ultra da quai scada l'ordinaziun:

- a. sche l'Assamblea federala refusa il sboz tenor l'alinea 3; u
- b. il pli tard cur che la basa legala tenor l'alinea 3 entra en vigur.

Art. 7d¹¹ Ordinaziuns davart il mantegniment da la segirezza interna u externa

¹ Il Cussegl federal po decretar in'ordinaziun directamain sin basa da l'artitgel 185 alinea 3 da la Constituziun federala per far frunt a grevs disturbis existents u smantschans da l'urden public u da la segirezza interna u externa.

² L'ordinaziun scada:

- a. 6 mais suenter ch'ella è entrada en vigur, sch'il Cussegl federal na suttametta betg a l'Assamblea federala fin lura in sboz:
 - 1. d'ina basa legala per il cuntegn da l'ordinaziun, u
 - 2. d'ina ordinaziun da l'Assamblea federala tenor l'artitgel 173 alinea 1 litera c da la Constituziun federala che remplazza l'ordinaziun dal Cussegl federal;

⁹ Integrà tras la cifra I 1 da la LF dals 26 da sett. 2014 davart la cumpetenza da concluder contracts internaziunals d'ina relevanza limitada e davart l'applicaziun provisorica da contracts internaziunals, en vigur dapi il 1. da matg 2015 (AS 2015 969; BBI 2012 7465).

¹⁰ Integrà tras la cifra I 1 da la LF dals 17 da dec. 2010 davart il mantegniment da la democrazia, dal stadi da dretg e da l'abilitad d'agir en situaziuns extraordinarias, en vigur dapi il 1. da matg 2011 (AS 2011 1381; BBI 2010 1563 2803).

¹¹ Integrà tras la cifra I 1 da la LF dals 17 da dec. 2010 davart il mantegniment da la democrazia, dal stadi da dretg e da l'abilitad d'agir en situaziuns extraordinarias, en vigur dapi il 1. da matg 2011 (AS 2011 1381; BBI 2010 1563 2803).

- b. suenter che l'Assamblea federala ha refusà il sboz tenor l'alinea 3; u
- c. cur che la basa legala u l'ordinaziun da l'Assamblea federala che remplaçza l'ordinaziun dal Cussegl federal entra en vigur.

³ In'ordinaziun da l'Assamblea federala tenor l'alinea 2 litera a cifra 2 scada il pli tard 3 onns suenter ch'ella è entrada en vigur.

Art. 7e¹² Disposiziuns davart la defensiun dals interess dal pajais u davart il mantegniment da la segirezza interna ed externa

¹ Il Cussegl federal po decretar ina disposizion directamain sin basa da l'artitgel 184 alinea 3 u da l'artitgel 185 alinea 3 da la Constituziun federala:

- a. sche la defensiun dals interess dal pajais pretenda quai; u
- b. per far frunt a grevs disturbis existents u smanatschants da l'urden public u da la segirezza interna u externa.

² Il Cussegl federal infurmescha l'organ cumpetent da l'Assamblea federala il pli tard 24 uras suenter ch'el ha decretà sia disposizion.

Art. 8 Organisaziun e direcziun da l'administraziun federala¹³

¹ Il Cussegl federal fixescha l'organisaziun adequata da l'administraziun federala ed adatta quella a las circumstanzas. Per far quai po el divergiar da las disposiziuns organisatoricas d'autras leschas federalas; exceptads èn cas, nua che l'Assamblea federala limitescha explicitamain la cumpetenza organisatorica dal Cussegl federal.¹⁴

² El promova la capacitat da prestazion e d'innovaziun da l'administraziun federala.

³ El surveglia permanentamain e sistematicamain l'administraziun federala.

⁴ Tenor las disposiziuns spezialas controllescha el las unitads administrativas decentralisadas ed ils purtaders d'incumbensas administrativas da la Confederaziun che n'appartegnan betg a l'administraziun federala.

⁵ Uschenavant che quai è cunvegnent, fixescha el las finamiras strategicas per las suandardas unitads autonomas:

- a. las persunas dal dretg public u privat:
 - 1. che n'appartegnan betg a l'administraziun federala,
 - 2. ch'èn vegnidas creadas tras la legislaziun federala u da las qualas la Confederaziun tegna la maioritat dal chapital e da las vuschs, e
 - 3. che han survegnì incumbensas administrativas;

¹² Integrà tras la cifra I 1 da la LF dals 17 da dec. 2010 davart il mantegniment da la democrazia, dal stadi da dretg e da l'abilitad d'agir en situaziuns extraordinarias, en vigur dapi il 1. da matg 2011 (AS 2011 1381; BBI 2010 1563 2803).

¹³ Versiun tenor la cifra I da la LF dals 22 da mars 2002 davart l'adattaziun da disposiziuns d'organisaziun dal dretg federal, en vigur dapi il 1. da favr. 2003 (AS 2003 187; BBI 2001 3845).

¹⁴ Versiun tenor la cifra I da la LF dals 22 da mars 2002 davart l'adattaziun da disposiziuns d'organisaziun dal dretg federal, en vigur dapi il 1. da favr. 2003 (AS 2003 187; BBI 2001 3845).

b. il secur da las SPF.¹⁵

Art. 9 Execuziun e giurisdicziun

¹ Il Cussegħi federal procura l'execuziun dals decrets e dals ulteriurs conclus da l'Assamblea federala.

² El exequescha la giurisdicziun administrativa, uschenavant ch'el ha survegni questa cumpetenza da la legislaziun.

Art. 10 Infurmazjun

¹ Il Cussegħi federal garantescha per l'infurmazjoni da l'Assamblea federala, dals chantuns e da la publicitat.

² El infurmescha en moda unitara, a temp e cuntuadament davart sias valitaziuns da la situaziun, davart sias planisaziuns, davart sias decisiuns e davart sias mesiras.

³ Resalvadas restan las disposiziuns spezialas davart la protecziun d'interess publics u privats predominants.

Art. 10a¹⁶ Pledader dal Cussegħi federal

¹ Il Cussegħi federal designescha in commember directiv da la Chanzlia federala sco pledader dal Cussegħi federal.

² Il pledader dal Cussegħi federal:

- a. infurmescha la publicitat per incumbensa dal Cussegħi federal;
- b. cussegħia il Cussegħi federal e ses commembers en dumondas da l'infurmazjuni e da la communicaziun;
- c. coordinescha l'aktivitat d'infurmazjuni dal Cussegħi federal, dals departaments e da la Chanzlia federala.

Art. 11 Communicaziun cun la publicitat

Il Cussegħi federal tgira las relaziuns cun la publicitat e s'infurmescha davart las opiniuns e las aspectativas exprimidas en la discussiun publica.

¹⁵ Integrà tras la cifra I 2 da la LF dals 17 da dec. 2010 davart la participaziun da l'Assamblea federala tar la direcziun da las unitäts daventadas autonomas, en vigur dapi il 1. da schan. 2012 (AS 2011 5859; BBI 2010 3377 3413).

¹⁶ Integrà tenor la cifra I da la LF dals 24 da mars 2000 (AS 2000 2095; BBI 1997 III 1568, 1999 2538). Versiun tenor la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811).

2. part Procedura ed organisaziun

Art. 12 Princip collegial

- 1 Il Cussegl federal prenda sias decisiuns sco collegi.
- 2 Ils commembers dal Cussegl federal represchentan las decisiuns dal collegi.

Art. 12a¹⁷ Obligazion d'infurmaziun

- 1 Ils commembers dal Cussegl federal ed il chancelier federal infurmeschan il Cussegl federal regularmain davart lur affars ed en spezial davart las ristgas e davart las sfidas pussaivlas ch'en colliadas cun quai.
- 2 Il Cussegl federal po pretender tschertas infurmaziuns da ses commembers sco er dal chancelier federal.

Art. 13 Tractativas

- 1 Il Cussegl federal prenda decisiuns da gronda impurtanza u da relevanza politica suenter las avair tractadas cuminaivlamain ed a medem temp.
- 2 El po liquidar ils ulteriurs affars en ina procedura simplifitgada.
- 3 Il cuntegn essenzial da las tractativas e las decisiuns dal Cussegl federal veggan adina fixads en scrit. Il protocol dal Cussegl federal garantescha la chapaivladad da las decisiuns; el serva al Cussegl federal sco instrument directiv.¹⁸

Art. 14 Prescripziuns

Sche necessari fixescha il Cussegl federal las finamiras tematicas ed il rom ch'i dovrà per preparar ils affars da gronda impurtanza u da relevanza politica.

Art. 15 Procedura da cunrapport

- 1 Ils affars, davart ils quals il Cussegl federal ha da decider, veggan suttamess als commembers dal Cussegl federal per il cunrapport.
- 2 La procedura da cunrapport vegg reglada da la Chanzlia federala.

Art. 16 Convocaziun

- 1 Il Cussegl federal sa raduna uschè savens sco quai ch'ils affars pretendan.
- 2 Il Cussegl federal vegg convocà tras il chancelier federal per incumbensa dal president da la Confederaziun.

¹⁷ Integrà tras la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811).

¹⁸ Integrà tras la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811). La rectificaziun da la Cumissiun da redacziun da l'Assamblea federala (art. 58 al. 1 LParl – SR 171.10) dals 22 da matg 2017, publitgada ils 30 da matg 2017, concerna mo il text franzos (AS 2017 3259).

³ Mintga commember dal Cussegli federal po pretender da tut temp da far ina tractativa.

⁴ En cas urgents po il president da la Confederaziun divergiar da la procedura ordinaria da convocaziun e da tractativa.

Art. 17 Reuniuns e sedutas spezialas

Per dumondas da fitg gronda impurtanza fa il Cussegli federal reuniuns e sedutas spezialas.

Art. 18 Presidi e participazion

¹ Il president da la Confederaziun maina las tractativas dal Cussegli federal.

² Ultra dals commembers dal Cussegli federal sa participescha il chancelier federal cun vusch consultativa a las tractativas dal Cussegli federal. El ha il dretg da far propostas per l'adempilment da las incumbensas da la Chanzlia federala.¹⁹

³ Ils vicechanceliers fan part da las tractativas, nun ch'il Cussegli federal disponia autramain.

⁴ Sch'i para inditgà al Cussegli federal per esser infurmà e per furmar sia opiniuin, envida el a sias tractativas persunas da cader sco er experts da l'administraziun federala u d'ordaifer.

Art. 19 Abilitad da decider

¹ Las tractativas dal Cussegli federal èn valaivlas, sche almain quatter commembers dal Cussegli federal èn preschents.

² El decidea cun la maioritad da las vuschs. L'abstensiun da la vusch è admissibla; in conclus è valaivel, sch'el survegn almain las vuschs da trais commembers.

³ Er il president votescha. En cas da paridad da las vuschs quinta sia vusch duas giadas, nun ch'i sa tractia d'elecziuns.

Art. 20 Obligaziun da prender recusaziun

¹ Ils commembers dal Cussegli federal e las persunas numnadas en l'artitgel 18 prendan recusaziun, sch'els han in interess persunal direct vi d'in affar.

² Per prender disposiziuns u per decider davart recurs valan las disposiziuns da recusaziun da la Lescha federala dals 20 da december 1968²⁰ davart la procedura administrativa.

¹⁹ Versiun da la seconda frasa tenor la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811).

²⁰ SR 172.021

Art. 21 Exclusiun da la publicitat

Las tractativas dal Cussegħ federal e la procedura da cunrapport tenor l'artitgel 15 n'èn betg publicas. L'infurmazijun sa drizza tenor l'artitgel 10.

Art. 22²¹ Substituziun

1 Per mintgin da ses commembres designescha il Cussegħ federal in substitut ord ses mez.

2 Mintga commember dal Cussegħ federal procura – en cas d'eveniments nunprevi-sibels – che ses substitut vegnia infirmà svelt ed en moda cumplessiva davart ils affars impurtants e davart las dumondas che ston vegnir decididas.

3 Mintga commember dal Cussegħ federal sco er ses substitut procuran per ina surda- da en moda ordinada dals affars.

Art. 23²² Delegaziuns dal Cussegħ federal

1 Per tscherts affars po il Cussegħ federal nominar delegaziuns ord ses mez. Quellas sa cumponan per regla da trais commembres.

2 Las delegaziuns preparan las tractativas e las decisiuns dal Cussegħ federal u fan – en num dal collegi – tractativas cun autras autoritads svizras ed exteriores u cun persunas privatas. Ellas n'hant naginas cumpetenzas da decisiun.

3 Ellas infurmeschan regularmain il Cussegħ federal davart lur tractativas.

4 La Chanzlia federala maina il secretariat che protocolescha en spezial las tractativas en las delegaziuns e che fa la documentazijun.

Art. 24 Ordinazion davart l'organisaziun

Il Cussegħ federal regla en in'ordinaziun, co ch'el ademplescha sias funcziuns en il cas singul.

2. chapitel Il president da la Confederaziun**Art. 25** Funcziuns en il collegi guvernamental

1 Il president da la Confederaziun maina il Cussegħ federal.

2 Il president da la Confederaziun:

- a. procura ch'il Cussegħ federal cumentizia e termineschia sias incumbensas a temp, en moda adequata e coordinata;

²¹ Versiun tenor la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811).

²² Versiun tenor la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811).

- a^{bis}²³ coordinescha ils affars d'impurtanza essenziala, als quals plirs departaments èn participads u che han ina impurtanza pli gronda per la Svizra;
- b.²⁴ prepara las tractativas dal Cussegli federal, tractandescha ils affars che ston vegnir deliberads ed intermediescha en cas da dumondas disputaivlas;
- b^{bis}²⁵ po incumbensar in commember dal Cussegli federal da suttametter al Cussegli federal in tschert affar fin ad in termin fixà;
- c. controllescha che la surveglianza dal Cussegli federal sur l'administraziun federala vegnia organisada ed exequida adequatamain;
- d. po ordinar da tut temp scleriments davart tscherts affars e propona eventualmain al Cussegli federal mesiras adattadas.

Art. 26 Decisiuns presidialas

¹ En cas urgents ordinescha il president da la Confederaziun mesiras preventivas.

² Sch'i n'è betg pussaivel da far ina tractativa ordinaria u extraordinaria, decida il president da la Confederaziun empè dal Cussegli federal.

³ Questas decisiuns ston vegnir suttamessas posteriuramain a l'approvaziun dal Cussegli federal.

⁴ Il Cussegli federal po plinavant autorisar il president da la Confederaziun da decider sez davart affars da natira per gronda part formala.

Art. 27 Substituziun

¹ Sch'il president da la Confederaziun è impedi d'exequir sias funcziuns, surpiglia il vicepresident sia substituziun e liquidescha tut las incumbensas presidialas.

² Il Cussegli federal po delegar al vicepresident tschertas cumpetenzas presidialas.

Art. 28 Represchentazion

Il president da la Confederaziun represchenta il Cussegli federal en Svizra ed a l'exterior.

Art. 29 Colliaziun cun ils chantuns

Il president da la Confederaziun tgira las relaziuns da la Confederaziun cun ils chantuns en affars cuminaivils da natira generala.

²³ Integrà tras la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811).

²⁴ Versiun tenor la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811).

²⁵ Integrà tras la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811).

Art. 29a²⁶ Servetsch presidial

- 1 Il president da la Confederaziun dispona d'in servetsch presidial per ademplir sias incumbensas spezialas, cunzunt per las relaziuns internaziunalas, per la communicaziun, per il protocol e per dumondas organisatoricas.
- 2 Il servetsch presidial è integrà en la Chanzlia federala.

3. chapitel II chancelier federal**Art. 30 Funcziuns**

- 1 Il chancelier federal è il chef da stab dal Cussegl federal.
- 2 Il chancelier federal:
- a. sustegna il president da la Confederaziun ed il Cussegl federal tar l'adempliment da lur incumbensas;
 - b. ademplescha envers l'Assamblea federala las incumbensas ch'el ha survegnì da la Constituziun e da la lescha.

Art. 31 Organisaziun

- 1 Il chancelier federal maina la Chanzlia federala ed ha envers quella la medema posiziun sco il chef d'in departament.
- 2 Ils vicechanceliers represchentan il chancelier federal.
- 3 Cun resalva d'ordinaziuns spezialas dal Cussegl federal sa drizzan l'organisaziun e la direcziun da la Chanzlia federala tenor las disposiziuns che valan per l'entira administraziun federala, cun excepziun da la part davart ils secretariats generals.

Art. 32 Cussegliaziun e sustegn

Il chancelier federal:

- a. cusseglia e sustegna il president da la Confederaziun ed il Cussegl federal tar la planisaziun e tar la coordinaziun sin plau guvernamental;
- b. elavura per il president da la Confederaziun il program da laver e la planisaziun dals affars e surveglia lur realisaziun;
- c.²⁷ collavura tar la preparaziun e tar la realisaziun da las tractativas dal Cussegl federal ed è responsabel per il protocol sco er per la redacziun da las decisiuns;

²⁶ Integrà tras la cifra I da la LF dals 28 da sett. 2012, en vigur dapi il 1. da schan. 2015 (AS 2013 4549; BBI 2002 2095, 2010 7811).

²⁷ Versiun tenor la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811).

c^{bis}²⁸ surveglia per il Cussegli federal il stadi da ses affars e da las incaricas da l'Assamblea federala, guarda ch'il cuntegn dals affars e da las incaricas correspundia a la planisazion da la legislatura, a las finamiras annualas dal Cussegli federal sco er ad ulteriuras planisaziuns da la Confederaziun e po suuttametter propostas al Cussegli federal en cas da novs svilups;

c^{ter}²⁹ analysescha a lunga vista e cuntuadomain la situazion ed ils conturns e rapporta cuntuadomain al Cussegli federal en chaussa;

- d. prepara – en stretga collavurazion cun ils departaments – ils rapports dal Cussegli federal a l'Assamblea federala davart las directivas da la politica guvernamentalala e davart la gestiun dal Cussegli federal;
- e. cusseglia il president da la Confederaziun ed il Cussegli federal tar la direcziun generala da l'administraziun federala e surpiglia funcziuns da surveglianza;
- f. sustegna il Cussegli federal en la correspundenza cun l'Assamblea federala;
- g.³⁰ cusseglia e sustegna il Cussegli federal, per che crisas possian vegnir percepidas a temp e vegnir schliadas.

Art. 33 Coordinaziun

¹ Il chancelier federal procura la coordinaziun interdepartamentalala.

^{1bis} Sin plau organisatoric ademplescha el incumbensas da coordinaziun interdepartamentalas, per che crisas possian vegnir percepidas a temp e vegnir schliadas.³¹

² El procura la coordinaziun cun l'administraziun dal parlament. En spezial consultescha el il secretari general da l'Assamblea federala, sch'affars dal Cussegli federal u d'uffizis ch'en suuttamess a quel concernant directamain la procedura e l'organisaziun da l'Assamblea federala u dals Servetschs dal parlament. El po sa participar a las sesidas da la Delegaziun administrativa da l'Assamblea federala cun vusch consultativa.³²

Art. 33a³³ Dretg da survegnir infurmaziuns

Il chancelier federal po pretender infurmaziuns dals departaments per ademplir sias incumbensas.

²⁸ Integrà tras la cifra I da la LF dals 28 da sett. 2012, en vigur dapi il 1. da schan. 2015 (AS 2013 4549; BBI 2002 2095, 2010 7811).

²⁹ Integrà tras la cifra I da la LF dals 28 da sett. 2012, en vigur dapi il 1. da schan. 2015 (AS 2013 4549; BBI 2002 2095, 2010 7811).

³⁰ Integrà tras la cifra I da la LF dals 28 da sett. 2012, en vigur dapi il 1. da schan. 2015 (AS 2013 4549; BBI 2002 2095, 2010 7811).

³¹ Integrà tras la cifra I da la LF dals 28 da sett. 2012, en vigur dapi il 1. da schan. 2015 (AS 2013 4549; BBI 2002 2095, 2010 7811).

³² Integrà tras la cifra 3 da l'aggiunta da la LF dals 8 d'oct. 1999, en vigur dapi il 1. da schan. 2000 (AS 2000 273; BBI 1999 4809 5979).

³³ Integrà tras la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811).

Art. 34³⁴ Infurmazиun

- 1 En collavuraziun cun ils departaments prenda il pledader dal Cussegl federal las mesiras adattadas per infumar la publicitat.
- 2 Il chancelier federal procura l'infurmaziun interna tranter il Cussegl federal ed ils departaments.

3. titel Administraziun federala**1. chapitel Direcziun e princips da direcziun****Art. 35 Direcziun**

- 1 Il Cussegl federal ed ils chefs dals departaments mainan l'administraziun federala.
- 2 Mintga cusseglier federal maina in departament.
- 3 Il Cussegl federal reparta ils departaments sin ses commembers; quels èn obligads da surpigliar il departament che vegn surdà ad els.
- 4 Il Cussegl federal po far da tut temp ina nova repartiziun dals departaments.

Art. 36 Princips da direcziun

- 1 Il Cussegl federal ed ils chefs dals departaments fixeschan las finamiras da l'administraziun federala e mettan las prioritads.
- 2 Sch'els delegheschan l'adempilment direct d'incumbensas ad organisaziuns da project u ad unitads da l'administraziun federala, doteschan els quellas cun las competenzas e cun ils meds finanziials necessaris.
- 3 Els giudigeschan las prestaziuns da l'administraziun federala e controlleschan periodicamain las finamiras ch'els han fixà.
- 4 Els guardan ch'ils collavuraturs vegnian tschernids cun quità e procuran lur furmaziun supplementara.

2. chapitel Ils departaments**1. part Chefs dals departaments****Art. 37 Direcziun e responsabludad**

- 1 Il chef dal departament maina il departament e surpiglia la responsabludad politica per tal.
- 2 Il chef dal departament:

³⁴ Versiun tenor la cifra I da la LF dals 24 da mars 2000, en vigur dapi il 1. da sett. 2000 (AS 2000 2095; BBl 1997 III 1568, 1999 2538).

- a. fixescha las directivas da direcziun;
- b. deleghescha sche necessari l'adempilment direct d'incumbensas departamentalas ad unitads administrativas subordinadas ed a singuls collavuratur;
- c. fixescha l'organisaziun dal departament en il rom da questa lescha.

Art. 38 Instruments da direcziun

Entaifer il departament ha il chef dal departament da princip dretgs illimitads da dar directivas, da far controllas e d'intervegnir persunalmain. Resalvadas restan disposiziuns spezialas per singulas unitads administrativas u cumpetenzas regladas particularmain tras la legislaziun federala.

Art. 38a³⁵ Cunvegna da prestaziun

¹ Cun agid da cunvegna da prestaziun annualas mainan ils departaments:

- a. las unitads administrativas da l'administraziun federala centrala;
- b. las unitads administrativas da l'administraziun federala decentrala che n'han betgi in agen quint.

² La Controlla federala da finanzas è exceptada da la gestiun cun agid da cunvegna da prestaziun. Il Cussegl federal po prevair ulteriuras excepcions.

³ Sche gruppas ed uffizis mainan unitads administrativas cun in agen preventiv global, po il departament delegar a questas gruppas ed a questas uffizis la cumpetenza da concluder cunvegna da prestaziun cun questas unitads administrativas.

⁴ En la cunvegna da prestaziun èn repartidas las incumbensas da las unitads administrativas tenor projects e tenor gruppas da prestaziun. Ellas ston vegnir munidas cun finamiras mesirables.

⁵ Las unitads administrativas rapportan annualmain davart l'adempilment da las finamiras. Al cumenzament da la planisaziun da mintga legislature examineschan elllas la structura e las finamiras da lur gruppas da prestaziun.

Art. 39 Collavuratur persunals

Il chef dal departament po nominar collavuratur persunals e definir lur incumbensas.

Art. 40 Infurmazion

En accord cun la Chanzlia federala prenda il chef dal departament las mesiras adattadas per infurmarr davart l'activitad dal departament; el fixescha, tgi ch'è responsabel per l'infurmazion.

³⁵ Integrà tras la cifra 2 da l'agiunta da la LF dals 26 da sett. 2014 (nov model da gestiun per l'administraziun federala), en vigur dapi il 1. da schan. 2016 (AS 2015 1583; BBI 2014 767).

2. part Secretariats generals**Art. 41 Posiziun**

- 1 Mintga departament dispona d'in secretariat general sco post da stab departamental general. Al post da stab pon er vegnir delegadas autras incumbensas.
- 2 Il secretari general è il schef dal stab dal departament.

Art. 42 Funcziuns

- 1 Il secretariat general sustegna il schef dal departament tar la planisaziun, tar l'organisaziun e tar la coordinaziun da l'activitat dal departament sco er tar las decisiuns che cumpetan al schef dal departament.
- 2 El ademplescha funcziuns da surveganza tenor las ordinaziuns dal schef dal departament.
- 3 El procura che las planisaziuns e las activitads dal departament vegnian coordina-das cun quellas d'auters departaments e dal Cussegl federal.
- 4 El sustegna il schef dal departament tar la preparaziun da las tractativas dal Cussegl federal.

3. part Uffizis e gruppas d'uffizis**Art. 43 Posiziun e funcziuns**

- 1 Ils uffizis èn las unitads administrativas pertantias; els procuran ils affars administratifs.
- 2 Il Cussegl federal fixescha tras ordinaziun la divisiun da l'administraziun federala en uffizis. El attribuescha als uffizis champs d'activitat uschè coerents sco pussaivel e fixescha lur incumbensas.
- 3 Il Cussegl federal attribuescha ils uffizis als departaments tenor ils criteris da la dirigibladad, dal connex da las incumbensas sco er da l'equiliber material e politic. El po far da tut temp ina nova repartiziun dals uffizis.
- 4 Ils schefs dals departaments fixeschan ils princips organisatories dals uffizis ch'èn attribuïds a lur departaments. Cun il consentiment dal Cussegl federal pon els unir ils uffizis a gruppas.
- 5 Ils directurs dals uffizis fixeschan l'organisaziun detagliada da lur uffizis.

Art. 44³⁶

³⁶ Aboli tras la cifra 2 da l'agiunta da la LF dals 26 da sett. 2014 (nov model da gestiun per l'administraziun federala), en vigur dapi il 1. da schan. 2016 (AS 2015 1583; BBI 2014 767).

Art. 45 Direcziun e responsabladad

Ils directurs da las gruppas e dals uffizis èn responsabels envers lur superiurs per manar las unitads administrativas ch'èn subordinadas ad els sco er per ademplir las incumbensas ch'èn delegadas ad els.

4. part Secretaris dal stadi³⁷**Art. 45a³⁸** Nominazion e funczion

¹ Il Cussegli federal po conferir il titel d'in secretari dal stadi a directurs d'uffizis u da gruppas ch'èn responsabels per champs d'incumbensa impurtants d'in departament. Uffizis u gruppas che vegnan manads d'in secretari dal stadi pon vegnir designads sco secretariats dal stadi.

² Ils secretaris dal stadi sustegnan e distgargian ils schefs dals departaments, en spezial en las relaziuns cun l'exterior.

Art. 46³⁹ Surdada temporara dal titel «secretari dal stadi»

Il Cussegli federal po surdar temporarmain il titel «secretari dal stadi» a persunas da l'administraziun federala, sch'ellas represchentan per sia incumbensa la Svizra a tractativas internaziunalas sin il nivel il pli aut.

3. chapitel⁴⁰ Taxes**Art. 46a**

¹ Il Cussegli federal decretescha disposiziuns davart l'incassament da taxas adequatas per disposiziuns e per servetschs da l'administraziun federala.

² El regla l'incassament da taxas en il cas singul, en spezial:

- a. la procedura per incassar taxas;
- b. l'autezza da las taxas;
- c. la responsabladad en cas che pliras persunas èn obligadas da pajar taxas;
- d. la surannaziun da pretensiuns da taxas.

³⁷ Integrà tras la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811).

³⁸ Integrà tras la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811).

³⁹ Versiun tenor la cifra I da la LF dals 28 da sett. 2012, en vigur dapi il 1. da schan. 2014 (AS 2013 4549; BBI 2002 2095, 2010 7811).

⁴⁰ Integrà tras la cifra I 3 da la LF dals 19 da dec. 2003 davart il program da distgorgia 2003, en vigur dapi il 1. da schan. 2005 (AS 2004 1633; BBI 2003 5615).

³ Reglond las taxas observa il Cussegl federal il princip d'equivalenza ed il princip da la cuvrira dals custs.

⁴ El po prevair excepziuns da l'incassament da taxas, sche quai è giustifitgà tras in interess public predominant envers la disposiziun u envers il servetsch.

4. titel Competenzas, planisaziun e coordinaziun

1. chapitel Competenzas

Art. 47 Decisiuns

¹ Tut tenor l'importanza d'in affar decida il Cussegl federal, in departament, ina gruppia u in uffizi.

² Il Cussegl federal fixescha tras ordinaziun, tge unitad administrativa ch'è cumpetenta per decider en singuls affars u en entirs champs d'affars.

³ Sch'ils departaments n'arrivan betg da sa cunvegnir davart la cumpetenza en il cas singul, decida il president da la Confederaziun.

⁴ Las unitads administrativas surordinadas ed il Cussegl federal pon surpigliar da tut temp singuls affars per decider davart tals.

⁵ Resalvadas restan las cumpetenzas ch'èn d'observar en mintga cas tenor la legislaziun davart l'organisaziun giudiziala. Sch'in recurs al Cussegl federal è inadmissibel, po quel dar directivas a l'autoritat administrativa federala cumpetenta, co che la lescha stoppia vegnir interpretada.

⁶ Sch'i sa tracta da prender disposiziuns ch'èn suttamessas ad in recurs tar il Tribunal administrativ federal, vegnan affars dal Cussegl federal confidads tenor la lescha al departament ch'è cumpetent en chaussa. Il recurs counter disposiziuns dal Cussegl federal tenor l'artitgel 33 literas a e b da la Lescha dals 17 da zercladur 2005⁴¹ davart il Tribunal administrativ federal resta resalvà.⁴²

Art. 48 Legislaziun

¹ Il Cussegl federal po delegar als departaments la cumpetenza da decretar normas da dretg. El resguarda la relevanza da las normas da dretg.

² Ina delegazion da la legislaziun a gruppas ed ad uffizis è mo admissibla, sch'ina lescha federala u in conclus federal impegnativ permetta quai.

⁴¹ SR 173.32

⁴² Versiun tenor la cifra 9 da l'aggiunta da la LF dals 17 da zer. 2005 davart il Tribunal administrativ federal, en vigur dapi il 1. da schan. 2007 (AS 2006 2197 1069; BBl 2001 4202).

Art. 48⁴³ Conclusiun da contracts internaziunals

¹ Il Cussegli federal po delegar ad in departament la cumpetenza da concluder contracts internaziunals. En cas da contracts d'ina relevanza limitada po el er delegar questa cumpetenza ad ina gruppia u ad in uffizi federal.

² El rapporta annualmain a l'Assamblea federala davart ils contracts concludids dad el sez, dals departaments, da las gruppas u dals uffizis federals. Davart contracts che na vegnan betg publitgads sin fundament da l'artitgel 6 da la Lescha da publicazion dals 18 da zercladur 2004⁴⁴ vegn infurmada mo la Delegazion da las Cumissiuns da gestiun.⁴⁵

Art. 49 Autorisaziun da suttascriver

¹ Il chef dal departament po autorisar las suandardas persunas da suttascriver tscherts affars en ses num u sin sia incarica:

- a. il secretari general u las persunas che representant tal;
- b. ils commembors da la direczion da gruppas e d'uffizis;
- c. ulteriuras persunas dal secretariat general en il rom da las cumpetenzas dal departament sco instanza da recurs.

² L'autorisaziun po er includer la suttascripcziun da disposiziuns.⁴⁶

³ Ils directurs da las gruppas e dals uffizis sco er ils secretaris generals reglan l'autorisaziun da suttascriver en lur sectur. Per contracts, per disposiziuns u per autres obligaziuns formalas da la Confederazion davart ina summa da passa 100 000 francs dovrà duas suttascripcziuns.⁴⁷

⁴ Per avrir contos da banca e da posta en Svizra dovrà ina suttascripcziun suplementara da l'Administraziun federala da finanzas.⁴⁸

⁵ Per cas spezialis po il Cussegli federal permetter excepziuns da l'obligaziun da duas suttascripcziuns.⁴⁹

Art. 50 Relaziuns cun l'exterior

¹ Il Cussegli federal fixescha ils princips per la tgira da las relaziuns internaziunalas da l'administraziun federala.

⁴³ Integrà tras la cifra II 3 da l'aggiunta da la Lescha dal parlament dals 13 da dec. 2002, en vigur dapi il 1. da dec. 2003 (AS **2003** 3543; BBl **2001** 3467 5428).

⁴⁴ SR **170.512**

⁴⁵ Versiun tenor la cifra 1 da l'aggiunta da la LF dals 26 da sett. 2014, en vigur dapi il 1. da schan. 2016 (AS **2015** 3977; BBl **2013** 7057).

⁴⁶ Versiun tenor la cifra II 5 da la LF dals 20 da mars 2008 davart la rectificaziun formalà dal dretg federal, en vigur dapi il 1. d'avust 2008 (AS **2008** 3437; BBl **2007** 6121).

⁴⁷ Versiun tenor la cifra I 1 da la LF dals 17 da mars 2017 davart il program da stabilisaziun 2017–2019, en vigur dapi il 1. da schan. 2018 (AS **2017** 5205; BBl **2016** 4691).

⁴⁸ Integrà tras la cifra I 1 da la LF dals 17 da mars 2017 davart il program da stabilisaziun 2017–2019, en vigur dapi il 1. da schan. 2018 (AS **2017** 5205; BBl **2016** 4691).

⁴⁹ Integrà tras la cifra I 1 da la LF dals 17 da mars 2017 davart il program da stabilisaziun 2017–2019, en vigur dapi il 1. da schan. 2018 (AS **2017** 5205; BBl **2016** 4691).

² Las relaziuns cun las regenzas chantunalas èn chaussa dal Cussegl federal e dals chefs dals departaments.

³ En il rom da lur cumpetenzas tigaran ils directurs da las gruppas e dals uffizis relaziuns directas cun autres autoritads ed auters uffizis federales, chantunals e communals sco er cun persunas privatas.

2. chapitel Planisaziun e coordinaziun⁵⁰

Art. 51 Planisaziun

Ils departaments, las gruppas ed ils uffizis planiseschan lur activitads en il rom da la planisaziun generala dal Cussegl federal. Ils departaments infurmeschan il Cussegl federal davart lur planisaziuns.

Art. 52 Coordinaziun a nivel guvernamental

Il Cussegl federal e sias delegaziuns sco er la Chanzlia federala liquideschan las incumbensas da coordinaziun ch'els han survegni da la Constituziun e da la lescha.

Art. 53 Conferenza dals secretaris generals

¹ Sut il presidi dal chancelier federal dirigia la Conferenza dals secretaris generals l'activitad da coordinaziun en l'administraziun federala.

² Sch'i n'existan nagins organs da coordinaziun spezialis per tschertas incumbensas u per tscherts affars, ademplescha la Conferenza sezza incumbensas da coordinaziun, en spezial per preparar affars dal Cussegl federal.

³ Tenor conclus dal Cussegl federal po ella tractar affars interdepartamentals e preparar tals per mauns dal Cussegl federal.

⁴ Il secretari general da l'Assamblea federala po sa participar cun vusch consultativa a la Conferenza dals secretaris generals.⁵¹

Art. 54 Conferenza d'infurmaziun

¹ La Conferenza d'infurmaziun sa cumpona dal pledader dal Cussegl federal e da las persunas ch'èn responsablas per l'infurmaziun en ils departaments. In representant dals Servetschs dal parlament po sa participar cun vusch consultativa.⁵²

⁵⁰ Versiun tenor la cifra I da la LF dals 20 da mars 2008 (reordinaziun da las cumissiuns extraparlamentaras), en vigur dapi il 1. da schan. 2009 (AS 2008 5941; BBI 2007 6641).

⁵¹ Integrà tras la cifra 3 da l'aggiunta da la LF dals 8 d'oct. 1999, en vigur dapi il 1. da schan. 2000 (AS 2000 273; BBI 1999 4809 5979).

⁵² Versiun tenor la cifra I da la LF dals 24 da mars 2000, en vigur dapi il 1. da sett. 2000 (AS 2000 2095; BBI 1997 III 1568, 1999 2538).

² La Conferenza d'infurmazion s'occupa dals problems currents dals departaments e dal Cussegl federal areguard l'infurmazion; ella coordinescha e planisescha l'infurmazion.⁵³

³ Il pledader dal Cussegl federal presidiescha la Conferenza d'infurmazion.⁵⁴

Art. 55 Auters organs permanents da stab, da planisaziun e da coordinaziun
Il Cussegl federal ed ils departaments pon nominar auters organs da stab, da planisaziun e da coordinaziun sco conferenzas instituzionalisadas u sco unitads administrativas autonomas.

Art. 56 Organisaziuns da project interdepartamentalas

Il Cussegl federal po furmar organisaziuns da project che han l'intent d'elavurar incumbensas interdepartamentalas impurtantias da durada limitada.

3. chapitel

Cussegliazion externa da cumissiuns extraparlamentaras⁵⁵

1. part Cussegliazion externa⁵⁶

Art. 57 ...⁵⁷

¹ Il Cussegl federal ed ils departaments pon consultar organisaziuns e persunas che n'appartegnan betg a l'administraziun federala.

² ...⁵⁸

2. part⁵⁹ Cumissiuns extraparlamentaras

Art. 57a Intent

¹ Las cumissiuns extraparlamentaras cusseglan permanentamain il Cussegl federal e l'administraziun federala tar l'adempliment da lur incumbensas.

⁵³ Versiun tenor la cifra I da la LF dals 8 d'oct. 1999, en vigur dapi il 1. da schan. 2000 (AS **2000** 273; BBI **1999** 4809 5979).

⁵⁴ Versiun tenor la cifra I da la LF dals 24 da mars 2000, en vigur dapi il 1. da sett. 2000 (AS **2000** 2095; BBI **1997** III 1568, **1999** 2538).

⁵⁵ Versiun tenor la cifra I da la LF dals 20 da mars 2008 (reordinaziun da las cumissiuns extraparlamentaras), en vigur dapi il 1. da schan. 2009 (AS **2008** 5941; BBI **2007** 6641).

⁵⁶ Integrà tras la cifra I da la LF dals 20 da mars 2008 (reordinaziun da las cumissiuns extraparlamentaras), en vigur dapi il 1. da schan. 2009 (AS **2008** 5941; BBI **2007** 6641).

⁵⁷ Aboli tras la cifra I da la LF dals 20 da mars 2008 (reordinaziun da las cumissiuns extraparlamentaras), en vigur dapi il 1. da schan. 2009 (AS **2008** 5941; BBI **2007** 6641).

⁵⁸ Aboli tras la cifra I da la LF dals 20 da mars 2008 (reordinaziun da las cumissiuns extraparlamentaras), en vigur dapi il 1. da schan. 2009 (AS **2008** 5941; BBI **2007** 6641).

⁵⁹ Integrà tras la cifra I da la LF dals 20 da mars 2008 (reordinaziun da las cumissiuns extraparlamentaras), en vigur dapi il 1. da schan. 2009 (AS **2008** 5941; BBI **2007** 6641).

² Ellas prendan decisiuns, uschenavant ch'ellas èn autorisadas da far quai sin basa d'ina lescha federala.

Art. 57b Premissas

Cumissiuns extraparlamentaras pon vegnir nominadas, sche l'adempliment da las incumbensas:

- a. premetta enconuschienschas spezialisadas particularas che n'èn betg avant maun en l'administraziun federala;
- b. pretenda ch'ils chantuns u auters circuls interessads veggian integrads a temp; u
- c. duai veggir confidà ad in'unitad da l'administraziun federala decentrala che n'è betg liada vi da directivas.

Art. 57c Nominaziun

¹ Sche l'incumbensa po vegnir ademplida en moda pli adequata tras in'unitad da l'administraziun federala centrala u tras in'organisaziun u ina persuna d'ordaifer l'administraziun federala, stoi veggir desistì da nominar ina cumissiun.

² Il Cussegl federal nominescha las cumissiuns extraparlamentaras ed elegia ses commembers.

³ Ils commembers veggan elegids per ina perioda d'uffizi da 4 onns.

⁴ En cas da vacanza ha lieu in'elecziun cumplementara.

Art. 57d Examinaziun

La necessitat, las incumbensas e la cumposizion da las cumissiuns extraparlamentaras veggan examinadas en general mintga 4 onns a chaschun da las elecziuns da renovaziun totala.

Art. 57e Cumposizion

¹ Las cumissiuns extraparlamentaras dastgan per regla sa cumponer da maximalmain 15 commembers.

² Resguardond lur incumbensa ston las duas schlattainas, las linguas, las regiuns, las gruppas da vegliadetgna e las gruppas d'interess esser representadas en moda equilibrada en las cumissiuns extraparlamentaras.

³ Commembers da l'administraziun federala dastgan veggir elegids mo en cas singulis motivads sco commembers d'ina cumissiun extraparlamentara.

Art. 57f Indicaziun da las relaziuns d'interess

¹ Avant lur elecziun inditgeschan ils commembers da las cumissiuns lur relaziuns d'interess. Il Cussegl federal decretescha las disposiziuns executivas correspondantas.

² Tgi che refusa d'inditgar sias relaziuns d'interess, na po betg vegrni elegi sco commember d'ina cumissiun.

Art. 57g⁶⁰ Indemnisaziun

¹ Il Cussegħi federal fixescha criteris unitars per l'indemnisaziun dals commembors da las cumissiuns.

² L'autezza da las indemnisijsiun ġe publica.

4. chapitel:⁶¹ Elavuraziun da datas

1. part Documentaziun da la correspundenza e dals affars⁶²

Art. 57h⁶³

¹ Per registrar, administrar, indexar e controllar la correspundenza ed ils affars po mintga organ federal tenor la Lescha federala dals 19 da zercladur 1992⁶⁴ davart la protecziun da datas manar in sistem d'infurmazijun e da documentazijun. Quest sistem po cuntegnair datas spezialmain degnas da vegrni protegidas e profils da la personalitat, uschenavant che quels resultan da la correspundenza u da la natira da l'affar. L'organ federal respectiv po mo arcunar datas da persunas, sche quellas servan:

- a. ad elavurār ses affars;
- b. ad organisar ils andaments da lavour;
- c. a constatar, sch'el elavura datas davart ina tscherta persuna;
- d. a facilitar l'access a la documentazijun.

² Mo ils collavuraturi da l'organ federal respectiv han access a las datas da persunas, e quai mo, sch'els dovran las datas per ademplir lur incumbensa.

³ Il Cussegħi federal decretescha disposiziuns executivas davart l'organisaziun e la gestiun da questi sistemi d'infurmazijun e da documentazijun sco er davart la protecziun da las datas da persunas ch'èn cuntegnidas en questi sistemi.

⁶⁰ En vigur dapi il 1. da schan. 2010 (AS **2009** 6135).

⁶¹ Oriundamain terz chapitel. Integrà tras la cifra I da la LF dals 24 da mars 2000 davart la creaziun e l'adattazzjum da basas legalas per elavurār datas da persunas, en vigur dapi il 1. da sett. 2000 (AS **2000** 1891; BBI **1999** 9005).

⁶² Integrà tras la cifra I da la LF dal 1. d'oct. 2010 (protecziun da datas en il rom da l'utilisaziun da l'infrastructura electronica), en vigur dapi il 1. d'avr. 2012 (AS **2012** 941; BBI **2009** 8513).

⁶³ Oriundamain art. 57a.

⁶⁴ SR **235.1**

2. part:⁶⁵**Elavuraziun da datas da persunas tar l'utilisaziun da l'infrastructura electronica****Art. 57i** Relaziun cun l'ulterieur dretg federal

Las prescripcziuns da questa part na valan betg, sch'ina autra lescha federala regla l'elavuraziun da las datas da persunas che resultan tras l'utilisaziun da l'infrastructura electronica.

Art. 57j Princips

¹ Ils organs federrals tenor la Lescha federala dals 19 da zercladur 1992⁶⁶ davart la protecziun da datas na dastgan betg registrar ed evaluar datas da persunas che resultan tras l'utilisaziun da lur infrastructura electronica u da l'infrastructura electronica che vegg manada sin lur incarica, nun che quai saja necessari per ils intents numnads en ils artitgels 57*l*–57*o*.

² L'elavuraziun da datas tenor questa part po er cumpigliar datas da persunas spezialmain degnas da vegnir protegidas e profils da la personalitat.

Art. 57k Infrastructura electronica

L'infrastructura electronica cumpiglia tut ils indrizs ed apparats staziunars e mobils che pon registrar datas da persunas, en spezial:

- a. indrizs d'elavuraziun da datas, componentas da rait e software;
- b. arcuns da datas;
- c. apparats da telefon;
- d. stampaders, scanners, apparats da fax, fotocopiaders;
- e. sistems per registrar il temp da l'avur;
- f. sistems per controllar ils access ed ils locals;
- g. sistems da geolocalisaziun.

Art. 57l Registraziun da datas da persunas

Ils organs federrals dastgan registrar per ils sustants intents las datas da persunas che resultan tras l'utilisaziun da l'infrastructura electronica:

- a. tut las datas, inclusiv il cuntegn da la posta electronica: per segirar quellas (copia da segirezza);

⁶⁵ Integrà tras la cifra I da la LF dal 1. d'oct. 2010 (protecziun da datas en il rom da l'utilisaziun da l'infrastructura electronica), en vigur dapi il 1. d'avr. 2012 (AS 2012 941; BB 2009 8513).

⁶⁶ SR 235.1

- b. las datas davart l'utilisaziun da l'infrastructura electronica:
 1. per garantir la segirezza da las infurmaziuns e dals servetschs,
 2. per segirar il mantegniment tecnic da l'infrastructura electronica,
 3. per controllar ch'ils reglaments d'utilisaziun vegnian observads,
 4. per repersequitar l'access a collecziuns da datas,
 5. per registrar ils custs che resultan tras l'utilisaziun da l'infrastructura electronica;
- c. las datas davart las uras da lavur dal personal: per administrar las uras da lavur;
- d. las datas davart l'entrar u il bandunar edifizis e locals dals organs federais e davart la preschientscha en tals: per garantir la segirezza.

Art. 57m Evaluaziun che na sa referescha betg a persunas

Las datas registradas dastgan vegnir evaluadas senza referiment a persunas per ils intents tenor l'artitgel 57l.

Art. 57n Evaluaziun betg nominala che sa referescha a persunas

Las datas registradas dastgan vegnir evaluadas senza referiment nominal a persunas en furma da sondagis per ils sustants intents:

- a. per controllar l'utilisaziun da l'infrastructura electronica;
- b. per controllar las uras da lavur dal personal.

Art. 57o Evaluaziun nominala che sa referescha a persunas

¹ Las datas registradas dastgan vegnir evaluadas cun referiment nominal a persunas en furma da sondagis per ils sustants intents:

- a. per sclerir in suspect concret d'in abus da l'infrastructura electronica e per chastiar in abus cumprovà;
- b. per analisar ed eliminar disturbis da l'infrastructura electronica e per combatter smanatschas concretas da l'infrastructura electronica;
- c. per metter a disposiziun ils servetschs necessaris;
- d. per registrar e facturar las prestaziuns furnidas;
- e. per controllar las uras da lavur individualas.

² Las evaluazions tenor l'alinea 1 litera a dastgan mo vegnir fatgas:

- a. dals organs federais;
- b. suenter che la persuna pertutgada è vegnida infurmada en scrit.

Art. 57p Impediment d'abus

L'organ federal prenda las mesiras preventivas tecnicas ed organisatoricas necessarias per impedir abus.

Art. 57q Disposiziuns executivas

¹ Il Cussegħ federal regla en spezial:

- a. la registraziun, la conservaziun e la destrucziun da las datas;
- b. la procedura da l'elavuraziun da las datas;
- c. l'access a las datas;
- d. las mesiras tecnicas ed organisatoricas per garantir la segirezza da las datas.

² Las datas dastgan vegnir conservadas mo uschè ditgħi sco necessari.

³ Questas disposiziuns executivas vegnan applitgadas per las datas dals commembors da l'Assamblea federala u dal personal dals Servetschs dal parlament, nun ch'ina ordinaziun da l'Assamblea federala disponia insatge auter.

5. titel Disposiziuns singulas e finalas**1. chapitel** Posizju giuridica**Art. 58** Sedia uffiziala

La citad da Berna ġe la sedia uffiziala dal Cussegħ federal, dals departaments e da la Chanzlia federala.

Art. 59 Domicil dals commembors dal Cussegħ federal e dal chancelier federal

Ils commembors dal Cussegħ federal ed il chancelier federal pon tscherner libramain lur domicil, ma ston pudair cuntanscher entaifer curt temp la sedia uffiziala.

Art. 60 Incumpatibilitads professiunalas

¹ Ils commembors dal Cussegħ federal ed il chancelier federal na dastgan avair nagin auter uffizi tar la Confederaziun u tar in chantun e na dastgan betg exercitar in'autra professiun u in auter masterġn.

² Els na dastgan er betg esser directurs u mainagestiuns ubain commembors da l'administraziun, dal post da surveglianza u dal post da controlla d'organisaziuns che han in'attivitàad economica.

³ Als commembres dal Cussegl federal sco er al chancelier federal èsi scumandà d'exercitar ina funcziun uffiziala per in auter stadi e da surpigiliar titels ed onurificaziuns d'autoritads estras.⁶⁷

Art. 61⁶⁸ Incumpatibilitads persunalas

¹ Las suandardas persunas na pon betg esser il medem mument commembres dal Cussegl federal:

- a. duas personas ch'èn maridadas ina cun l'autra, che vivan en partenadi registrà u che mainan facticamain ina communitad da vita;
- b. parents e quinads en lingia directa u fin il quart grad en lingia laterala;
- c. duas personas, da las qualas ils conjugals u ils partenaris registrads èn fragliuns.

² Questa disposiziun vala tenor il senn tranter il chancelier federal ed ils commembres dal Cussegl federal.

Art. 61a⁶⁹

2. chapitel Approvaziun da decrets chantunals⁷⁰

Art. 61b⁷¹

¹ Sch'ina lescha federala prevesa quai, suttamettan ils chantuns lur leschas ed ordinaziuns a la Confederazion per las laschar approvar; l'approvaziun è ina cundiziun per lur valaivladad.

² En cas nundispitaivelis approveschan ils departaments las leschas e las ordinaziuns.

³ En cas disputaivelis decida il Cussegl federal. El po er approvar las leschas e las ordinaziuns cun resalva.

⁶⁷ Integrà tras la cifra I 2 da la LF dals 23 da zer. 2000 davart titels ed onurificaziuns d'autoritads estras, en vigur dapi il 1. da favr. 2001 (AS **2001** 114; BBI **1999** 7922).

⁶⁸ Versiun tenor la cifra 4 da la Lescha da partenadi dals 18 da zer. 2004, en vigur dapi il 1. da schan. 2007 (AS **2005** 5685; BBI **2003** 1288).

⁶⁹ Integrà tras la cifra II 3 da l'aggiunta da la Lescha dal parlament dals 13 da dec. 2002 (AS **2003** 3543; BBI **2001** 3467 5428). Aboli tras la cifra 2 da l'aggiunta da la LF dals 17 da zer. 2011 (dumondas d'abolir l'immunitat), en vigur dapi ils 5 da dec. 2011 (AS **2011** 4627; BBI **2010** 7345 7385).

⁷⁰ Oriundamaïn avant l'art. 62. Versiun tenor la cifra I da la LF dals 7 d'oct. 2005, en vigur dapi il 1. da zer. 2006 (AS **2006** 1265; BBI **2004** 7103).

⁷¹ Oriundamaïn art. 62, alura art. 61a. Versiun tenor la cifra I da la LF dals 7 d'oct. 2005, en vigur dapi il 1. da zer. 2006 (AS **2006** 1265; BBI **2004** 7103).

3. chapitel

Infurmazion davart contracts dals chantuns tranter els u cun l'exterior⁷²

Art. 61c⁷³ Obligaziun d'infurmazion

¹ Ils chantuns infurmeschan la Confederaziun, sch'els fan contracts tranter els u cun l'exterior (chantuns contractants). Davart contracts cun l'exterior infurmeschan els la Confederaziun avant che concluder tals. La Confederaziun ed ils chantuns tschertgan soluzions consensualas.

² Betg suuttamess a l'obligaziun d'infurmazion n'èn contracts che:

- a. servan ad exequir contracts, davart ils quals la Confederaziun è vegnida infurmada;
- b. sa drizzan en emprima lingua a las autoritads u reglan dumondas tecnicas administrativas.

Art. 62⁷⁴ Procedura

¹ La Confederaziun orientescha la publicitat en il Fegl uffizial federal davart ils contracts ch'èn vegnids communitgads ad ella.

² Il departament cumpetent controllescha ch'il contract na cuntrafetschia betg al dretg ed als interess da la Confederaziun. El communitgescha il resultat da questa controlla als chantuns contractants entaifer 2 mais dapi l'orientaziun tenor l'alinea 1. Ils chantuns betg participads al contract (terzs chantuns) communitgeschan entaifer il medem termin lur eventualas objecziuns als chantuns contractants.

³ En cas d'objecziuns tschertgan il departament ed ils terzs chantuns ina soluzion consensuala cun ils chantuns contractants.

⁴ Sch'els na chattan betg ina cunvegna, pon il Cussegħ federal ed ils terzs chantuns far protesta tar l'Assamblea federala entaifer 6 mais dapi l'orientaziun tenor l'alinea 1.

⁷² Integrà tras la cifra I da la LF dals 7 d'oct. 2005, en vigur dapi il 1. da zer. 2006 (AS 2006 1265; BBI 2004 7103).

⁷³ Integrà tras la cifra I da la LF dals 7 d'oct. 2005, en vigur dapi il 1. da zer. 2006 (AS 2006 1265; BBI 2004 7103).

⁷⁴ Integrà tras la cifra I da la LF dals 8 d'oct. 1999 (AS 2000 289; BBI 1999 7922). Versiun tenor la cifra I da la LF dals 7 d'oct. 2005, en vigur dapi il 1. da zer. 2006 (AS 2006 1265; BBI 2004 7103).

4. chapitel⁷⁵ Procedura da decisiun concentrada

Art. 62a Consultazion

¹ Sch'ina lescha prevesa da concentrar las decisiuns tar in'unica autoritat (autoritat directiva) per projects sco edifizis e stabilitments, consultescha quella las autoritads spezialisadas pertutgadas, avant che prender sia decisiun.

² Sche pliras autoritads spezialisadas èn pertutgadas, consultescha l'autoritat directiva quellas a medem temp; ella po dentant consultar quellas ina suenter l'autra, sche motivs particulars giustifitgeschan quai.

³ L'autoritat directiva fixescha in termin per las autoritads spezialisadas per prender posiziun; il termin importa per regla 2 mais.

⁴ L'autoritat directiva e las autoritads spezialisadas fixeschan en moda consensuala ils cas che na dovrان excepcionalmain naginas posiziuns.

Art. 62b Eliminazion da las differenzas

¹ Sche las autoritads spezialisadas suttamettan posiziuns cuntradictorias u sche l'autoritat directiva n'è betg d'accord cun las posiziuns, fa ella entaifer 30 dis ina discussiun cun las autoritads spezialisadas per eliminar las differenzas; per quest intent po ella consultar ulteriuras autoritads u persunas spezialisadas.

² Sch'i reussescha d'eliminar las differenzas, è il resultat liant per l'autoritat directiva.

³ Sch'i na reussescha betg d'eliminar las differenzas, decida l'autoritat directiva; en cas da differenzas considerablas tranter unitads administrativas dal medem departament instruescha quel l'autoritat directiva, co ch'igl è da decider. Sche plirs departaments èn pertutgads, elimineschan els las differenzas tranter els. En la motivaziun da la decisiun vegnan menziunadas las posiziuns divergentas.

⁴ Er suenter ch'ina eliminaziun da las differenzas ha gi lieu, èn las autoritads spezialisadas autorisadas da defender envers in'autoritat da recurs lur agen puntg da vista davart la posiziun.

Art. 62c Terms

¹ Per las proceduras d'approvaziun dals plans per edifizis e stabilitments fixescha il Cussegli federal terms, entaifer ils quals la decisiun sto vegnir prendida.

² Sch'in da queste terms na po betg vegnir observà, infurmescha l'autoritat directiva il petent inditgond ils motivs sco er il termin entaifer il qual la decisiun po vegnir prendida.

⁷⁵ Oriundama in segund chapitel^{bis}. Integrà tras la cifra I 1 da la LF dals 18 da zer. 1999 davart la coordinaziun e la simplificaziun da las proceduras da decisiun, en vigur dapi il 1. da schan. 2000 (AS 1999 3071; BBl 1998 2591).

5. chapitel⁷⁶**Liberaziun da taglia e protecziun da la proprietad da la Confederaziun****Art. 62d** **Liberaziun da taglia**

La Confederaziun sco er sias instituziuns, sias interpresas e sias fundaziuns dependentas èn liberadas da mintga imposiziun da taglia tras ils chantuns e las vischnancas; exceptadas èn immobiglias che na servan betg directamain ad intents publics.

Art. 62e **Responsabludad**

¹ Ils chantuns èn responsabels envers la Confederaziun per donns vi da sia proprietad en consequenza d'in disturbi da l'urden public.

² Las prescripziuns dals chantuns e da las vischnancas davart obligaziuns da s'assicurar na valan betg per la Confederaziun.

6. chapitel⁷⁷ Dretg da domicil**Art. 62f**

En ses edifizis exequescha la Confederaziun sezza il dretg da domicil.

7. chapitel⁷⁸ Disposiziuns finalas**Art. 63** **Aboliziun da la Lescha davart l'organisaziun da l'administraziun**

La Lescha federala dals 19 da sett. 1978⁷⁹ davart l'organisaziun e la gestiun dal Cussegl federal e da l'administraziun federala vegn abolida.

Art. 64⁸⁰

⁷⁶ Oriundamax segund chapitel^{ter}. Integrà tras la cifra II 3 da l'agiunta da la Lescha dal parlament dals 13 da dec. 2002, en vigur dapi il 1. da dec. 2003 (AS **2003** 3543; BB^I **2001** 3467 5428).

⁷⁷ Oriundamax segund chapitel^{quater}. Integrà tras la cifra II 3 da l'agiunta da la Lescha dal parlament dals 13 da dec. 2002, en vigur dapi il 1. da dec. 2003 (AS **2003** 3543; BB^I **2001** 3467 5428).

⁷⁸ Oriundamax terz chapitel

⁷⁹ [AS **1979** 114, **1983** 170 931 art. 59 cifra 2, **1985** 699, **1987** 226 cifra II 2 808, **1989** 2116, **1990** 3 art. 1 1530 cifra II 1 1587 art. 1, **1991** 362 cifra I, **1992** 2 art. 1 288 agiunta cifra 2 510 581 agiunta cifra 2, **1993** 1770, **1995** 978 4093 agiunta cifra 2 4362 art. 1 5050 agiunta cifra 1, **1996** 546 agiunta cifra 1 1486 1498 agiunta cifra 1]

⁸⁰ Aboli tras la cifra I da la LF dals 22 da mars 2002 davart l'adattaziun da disposiziuns d'organisaziun dal dretg federal, en vigur dapi il 1. da favr. 2003 (AS **2003** 187; BB^I **2001** 3845).

Art. 65⁸¹

Art. 66 Referendum ed entrada en vigur

¹ Questa lescha è suttamessa al referendum facultativ.

² Il Cussegl federal fixescha l'entrada en vigur.

Data da l'entrada en vigur: 1. d'october 1997⁸²

⁸¹ Aboli tras l'art. 65 cifra 2 da la Lescha da finanzas dals 7 d'oct. 2005, en vigur dapi il 1. da matg 2006 (AS 2006 1275; BBI 2005 5).

⁸² COCF dals 3 da sett. 1997

Agiunta

Midada d'autras leschas federalas

...⁸³

⁸³ Las midadas pon vegnir consultadas en la AS **1997** 2022.

